

文苑英華卷第二百三十一

詩八十一

隱逸二

處士四十五首

山人二十一首

處士

春日送麗處士歸龍山

釋無可

愛弟直霜臺家山羨獨迴出門時返顧何日更西來柳亦
臨闕發花應到越開漁舟誰伴上依舊恣沿河

酬吳處士

一作寄
未慶餘

周賀

已當聽鴈夜多事不一作少同居故疾離城晚秋霖九月疎

趣一作聽鍾開靜戶帶一作掃葉卷殘一作關書蕩一作盪槩期南

去荒園久廢鋤



此詩二百四十六卷二百六十一卷重出並已削去
注異同為一作

送沈處士赴蘇州李中丞招以詩贈行 杜牧

山城樹葉紅下有碧溪水溪橋向吳路酒旗誇酒美下馬
此送君高歌為君醉念君抱材能百工在城壘空山三十
年鹿裘挂窓睡自言隴西公飄然我知己舉酒屬吳門今
朝為君起懸弓三百斤囊書數萬紙戰賊即戰賊為吏即
為吏盡我所有無惟公之指使予曰隴西公滔滔大君子
常思掄群材一為國家治譬如匠見木礙眼皆不棄大者
麤十圍小者細一指楮檟與棟梁施之皆有位忽然豎明
堂一揮立能致予亦何為者亦受公恩紀處士常有言殘

一作公

虜為大豕常恨兩手空不得一馬筆今依隴西公如虎傳
兩翅公非刺史材當坐巖廊地處士瑰竒姿必展平生志
東吳饒風光翠巘多名寺踈煙疊疊秋獨酌平生思因書
問故人能忘批紙尾公或憶姓名為說都憔悴

贈宣州元處士

前人

陵陽北郭隱身世兩忘者蓬蒿三畝居寬於一天下樽酒

一作對不酌默一作密與玄相話人生自不足愛嘆遭逢寡

此詩二百六十一卷重出今已削去注異同為一作

題韋處士山居

集作題韋處士山居西齋

許渾

斲藥去還歸家人半掩扉山風藤子落溪雨集作水豆花肥

寺遠僧來少橋危客過一作到稀不聞碓杵動應解剪集作製

荷衣

贈裴處士

前人

為儒白髮生鄉里早聞名煖酒雪初下讀書山欲集作明
字形翻鳥跡詩調合猿聲門外滄浪水知君欲濯纓

送集作別常處士

前人

南北斷蓬飛別多相見稀更傷今日鬢集作酒未換昔時集作
年衣舊友幾人在故鄉何所集作處歸秦原向西路雲晚空

罪罪

此詩二百八十八卷重出今已削去

將赴京師留題孫處士山居二首 前人

西巖有高興路僻幾人知松蔭花開少集作晚山寒酒熟遲

遊從收集作隨野鶴休息過集作遇靈龜長見隣翁說容華似

舊時

二

前人

草堂近西郭遙對鏡集作敬亭開枕膩海雲起簟涼山雨來

高歌懷地肺遠賦憶天台應笑集作學相如志終須駟馬廻

寄昭亭楊處士集作寄楊陵處士 前人

舊隱青山紫桂陰一書迢遞寄歸心謝公樓上晚花發集作

盛 楊子宅前春草深吳岫雨來溪鳥浴楚山集作江雲暗嶺

猿吟野人寧負滄洲伴會待吹竽定至音

題獨孤處士村居 薛逢

江上園廬荆作扉男驅耕犢婦鳴機林巒當戶為羅暗桑

白文

文苑英華卷一百一十五 賦類 雜 賦 三

柘繞村薑芋肥幾畝稻田還謂業兩間
菀舍亦言歸何如一被風塵染到老云云相是非

處士盧岵山居

温庭筠

西溪問樵客遙識楚人集作主人家古樹老連石急泉清露沙

千峰隨雨暗一逕入雲斜日暮鳥飛散滿山麩麥花

題陳處士幽居

前人

松軒塵外客高竹集作枕自蕭疎雨後苔侵井霜來葉滿渠

閑看鏡湖畫時得越僧書若待前溪月誰人伴釣魚

題李處士幽居

前人

水玉簪頭白一作戴角巾瑤琴寂歷拂輕塵穠陰似帳紅薇

晚細雨如烟碧草春一作新隔竹見籠疑有鶴捲簾看畫更

無人南窓集作山自有忘機集作年交谷口空稱鄭子真

此詩三百十八卷重出今已削去

題李羽處士寄新醞走筆戲酬

前人

高譚有伴還成藪沉醉無期即是鄉已恨流鶯欺謝客更

將浮蟻與劉郎簷前柳色分張綠窓外花枝借助香所恨

玳筵紅燭夜草玄寥落近廻塘

處士隱居

張祜

斜日半飛閣高簷集作簾輕翳一作翳遠空清香芙蓉水碧冷琅

玕風絕岸孤沿泐脩廊趾崇隆唯當餌仙朮坐作朱顏翁

送鄭台處士歸絳巖

方干

榮啓先生挾瑟去厭尋靈勝憶巖栖白猿啼集作壘樹窓邊

集作指主

集作靜

月紅鯉驚鉤竹外溪慣採藥苗資素饌曾書蕉葉寄新題
古賢猶愴河梁別未可忽忽便解携

書桃花塢周處士壁

前人

醉吟雪月思彌苦思苦神勞白集作新髮生自學古賢脩靜

節唯應野鶴識高情細泉出石飛難盡孤燭和雲濕不明

何事懶於嵇叔夜更無書信集作禮答公卿

贈黃處士

前人

閉戶先生無是非竹灣松樹藕絲衣愁吟密雪思難盡醉

倒落集作殘花扶不歸若出薜蘿迎鶴簡應隨解艇別漁磯

到頭苦節終何益空改文星作少微

贈中巖王處士

前人

垂楊裊裊草芊芊氣象清深集作虛似洞天援筆便成鸚鵡

賦洗花亦集作源用枯槔泉商於避世堪同日渭叟集作曲逢

時必有年直恐肺集作剛腸閑不集作未得醉吟爭柰被才牽

送房處士閑遊

李群玉

注集作採藥陶貞白尋山許遠遊刁圭藏妙用巖洞契冥搜

花竹集作月三湘水琴樽一葉舟羨君隨野性集作鶴長揖稱

梁愁

贈包處士

李洞

愁思枕月卧瀟湘寄宿慈恩竹集作寺裏房性急還集作却於

碁上慢身閑未免藥中忙休拋手網驚龍睡曾挂頭巾拂

鳥行聞說石門君舊隱寒峯集作風賤瀑壞書堂集作

虎丘寺贈漁處士

趙嘏

蘭若雲深處前年客重過
岩空秋色動水澗夕陽多
早負江湖志今如鬢髮何
唯思閑勝我釣艇在煙波

送韋處士歸省胡方

前人

映柳見行色故山當落暉
青雲知己歿白首一身歸
蒲袖蕭關雨連沙寒鴈飛
到家鱸有喜借取老萊衣

贈曹處士幽居

前人

勾漏先生冰玉然曾將八石問群仙
中山暫醉一千日南苑住來三百年
碁局不收花蒲洞霓旌欲別浪翻天
何須更學鳴夷子頭白江湖一短船

新秋雨霽宿王處士東郊

馬戴

夕陽逢一雨夜雨洗清陰
露氣竹窓靜秋光雲月深
煎嘗靈藥味話及故山心得意
兩不寐微風生玉琴

送胡處士歸湘南

李頰

見話荆湘切長愁有去時
江湖秋涉遠雷雨夜眠遲
舊業多歸興空山盡老期
天寒一瓢酒落日擬留誰

秋晚訪李處士所居

皮日休

門前襄水碧潺湲靜釣歸來不掩關
書閣鼠穿厨簾破竹園霜後桔槔閑
兒童不許驚幽鳥藥草須教上假山
莫爲愛詩偏念我訪君多得醉中還

李處士郊居

前人

石衣如髮小一作水溪清溪上柴門架
樹成園裏水流澆竹

響窓中人靜下棋聲幾多狎鳥皆諳性無限幽花未得名
蒲引紅螺詩一首劉禎失却病心情

送陸處士

張喬

樽前放浩歌便起一作泛烟波舟楫故人少江湖明月多
孤峯經宿上僻寺共雲過若向僊巖住還應著薜蘿

送韓處士歸少室山

前人

江外歷千岑還歸少室吟地閑緱嶺月窓迥洛城砧石竇
重寒一作乳松枝長別琴他年瀑泉下亦擬置家林

西蜀淨衆寺松溪八韻寄水筆崔處士

鄭谷

松因溪得名松吹蒼溪聲繚繞能穿寺幽竒不在城寒煙
齋後散春雨夜中平柴岸蒼苔古翹沙白鷺明澄分僧影

瘦光徹客心清帶梵侵雲響和鍾激石鳴淡烹新茗爽煖

泛落花輕此景窮一作難盡憑君盡入京

蔡處士

前人

無著復集作無求平生不解愁鬢疏貧淨潔中酒病風流
旨趣陶山相詩篇沈隱侯小齋江色裏籬柱紫漁舟

梁燭處士辭金陵相國杜公歸舊山因以寄贈

前人

相庭留不得江野有苔磯兩浙尋山遍孤舟載鶴歸世間
書讀盡僧集作外客來稀諫署搜賢急應難借布衣

長安夜坐懷寄湖外嵇處士

前人

萬里念江海浩然天地秋風高群木落夜久數星流鍾絕

分宮漏螢微隔御樓集作溝遙知集作思洞庭上葦露滴漁舟

寄贈楊夔處士

前人

結茅依約釣魚臺濺水鷓鴣去又迴春卧甕邊聽酒熟露吟庭際待花開三江勝景遨遊遍百代集作貫群書講論集作來國步未安風雅薄可能高尚抑天才

〔此詩二百六十四卷重出今已削去〕

題仇處士郊居

兼官卜居

杜荀鶴

江南景簇好集作此林亭手板藍裾自可輕洞裏客來無俗話郭中人到有山情閑拋集作敲巖果呼猿接時釣溪魚引鶴爭笑我有詩三百首馬蹄終日急於名

憶張處士

王貞白

天台張處士詩句造玄微古樂知音少名言與俗違山風入松徑海月上巖扉畢世唯高卧無人說是非

寄曲杜處士新居

羅隱

翠斂王孫草荒誅宋玉茅寇餘無故物時薄少深交迸笋穿集作侵行逕肌雛出壞巢小園吾亦有多病近來拋

酬張集作章處士見寄

前人

中原甲馬未曾安今日逢君事萬端亂後幾回鄉夢隔別來何處路行難霜鱗共落三門浪雪鬢同歸七里灘何必新詩更相戲小樓吟罷暮天寒

早春送處士張坤歸汴州

集作大梁

前人

蕭蕭羸馬正塵埃又送歸軒向吹臺別酒莫辭今夜醉故

一作語

白文

文苑英華

王貞

人知是幾時來集作泉經華嶽猶應凍花到梁園始合開
為謝東門抱關吏不堪惆悵蒲離盃

〔此詩又見二百八十三卷〕

贈鏡湖處士方干二首

曹松

包含教化剩搜羅句出東甌柰峭何世路不妨平處少才
人唯是屈聲多雲來島上便幽石月到湖心忘白波後輩
難為措機杼先生織字得龍梭

二

祗擬應星眠越絕唯將麗什當高勳磨礱清濁人難會織
絡虛無帝亦聞鳥道未知山足雨漁家已沒鏡中雲他時
莫為三徵起門外沙鷗解笑君

再訪陸處士

前人

萬卷書邊人半白再來惟恐降玄纁性靈比鶴爭多少氣
力登山較幾分吟髯漸無前度添添寢衣猶有昨宵雲將知
谷口耕烟者低視齊梁楚趙君

題任處士脩精舍

魚玄機

幽人剗竒境遊客寄一作行程粉壁空留字蓮宮未有名

鑿池泉自出開逕草重生百尺金輪閣當川豁眼明

山人

寄鄭霍二山人

王維

翩翩繁華子多事集作出金張門幸有先人業早逢集作明

主恩同集作童年且末學肉食驚華軒豈乏中林士無人薦

至尊鄭生老泉石霍子安丘樊賣藥不二價著書盈萬言
息陰無惡木飲水必清源吾賤不及議斯人竟誰論

遊李山人所居因題屋壁

前人

世上皆如夢往來或自歌問年松樹老有地竹陰集作多
藥倩韓康賣門容尚子過翻嫌枕席上無那集作白雲何

寄張十二山人

杜甫

獨卧嵩陽客三遠一作水春艱難隨老母慘澹向時人

謝氏尋山屐一作陶公一作漉酒中群兒彌字首一作此物在

風塵歷下辭姜被關西得孟隣早通交一作芙蓉一作晚接道

流新靜者心多妙先生藝絕倫草書何太一作古詩興不

無神曹植休前輩張芝更後身數篇吟可老一字買堪貧

將恐魯防寇深潛託所親寧聞倚門乞盡力絮殮最踈懶

為名俱驅馳喪我真素居猶寂寞相遇益酸一作辛流轉

依邊微逢迎念席珍時來故舊少亂後別離頻世祖脩高

廟文公賞從臣商山猶入楚源一作水不離一作秦存想

青龍秘騎行白鹿馴耕巖非谷口結草即河濱肘後符應

驗囊中藥未陳一作懷一作殊不愜良覲渺無因自古皆悲

恨浮生有屈伸此邦今尚武何處且依仁鼓角凌天籟關

山信月輪官場羅鎮磧賊火近洮岷蕭瑟一作論功一作

地蒼忙聞將辰大軍多處所餘孽尚紛綸高興知籠鳥斯

文豈一作起一作獲麟窮秋正搖落廻首望松筠

送范山人歸太山

李白

魯客抱白鶴別余往太山初行若片雲杳在青崖間高高至天門海日近可攀雲生望不及此去何時還

送楊山人歸嵩山

前人

我有萬古宅嵩陽一作山玉女峯長留一片月掛在東溪松爾去掇仙草萑蒲花紫茸歲晚或相訪青天騎白龍

下終南山過斛斯山人宿置酒 前人

暮從碧山下山月隨人歸却顧所來逕蒼蒼橫翠微相携反田家稚子開荆扉綠竹入幽徑集作青羅拂行衣歡言得所憇美酒聊共揮長歌吟松風曲盡河星稀我醉君復樂陶然共忘機

送鄭山人還廬山人別業

劉長卿

潯陽數畝宅歸卧掩柴關谷口何人待一作在門前秋草閑

忘機賣藥罷揮手一作下杖藜還舊筵成寒竹空齋向暮山

水流經過一作舍下雲去一作起到人間桂樹花應發因行寄

一攀

此詩二百七十卷重出今已削去注異同為一作

送朱山人放歸山陰見三百十八卷 前人

入白沙渚寅緣二十五里至石室山下懷天台陸

山人 前人

遠嶼蕩將夕翫幽行自遲歸人不計日流水閑相隨輟棹

石集作崖口捫蘿春景熙偶因廻洲次寧與前山期對此

瑤草色懷君瓊樹枝浮雲去寂寥集作白鳥相集作因依

何事愛高隱但令勞遠思窮年卧海嶠求望愁天涯吾亦
從君一作此去扁舟何所之迢迢江上帆千甲東風吹

宿關西客舍寄東山嚴許二山人時天寶初七月
初三日在學見有高道舉徵 岑參

雲送關西雨風傳渭水秋孤燈燃客夢寒杵擣鄉愁灘上
思嚴子山中憶許由蒼生今有望飛詔下林丘

寄華陰山人李岡 前人

君隱處當一星蓮花峯頭飯黃精仙人掌上演丹經鳥可
到人莫攀隱來十年不下山袖中短書誰為達華陰道士
賣藥還

送揚山人歸嵩陽 高適

不到嵩陽動十年舊家一作持心事已徒然一二故人不復
見三十六峯猶眼前夷門二月柳條色流鶯數聲淚沾臆
鑿井耕田不我招知君以此忘帝力山人好去嵩陽路唯
余眷眷長相憶

送帝山人二字集作歸鍾山別業 李嘉祐

旗亭閣書罷集作祈門負笈向桃源萬卷長開帙千山不

掩集作峯門綠楊垂野渡一作徑黃鳥傍山村念爾能高枕

丹墀會一論 野渡後篇作

此詩二百七十卷重出今已削去

送陸鴻漸山人採茶廻 皇甫曾

千峯待逋客香茗復叢生採摘知深處煙霞羨獨行幽期

山寺遠野飯石泉清寂寂燃燈火相思一磬聲

贈強山人

即士元

或掉孤舟或杖藜尋常適集作意釣前溪草堂竹逕在何

處落日孤煙寒渚西

送王山人歸別業

集作送元晟歸潛山所居

皇甫冉

深山秋事問氣集早歸去意集作何如澗露收新稼迎寒

葺舊廬題詩即招隱作賦足集作閑居別後空相憶嵇康

懶寄書集作

此詩二百七十二卷重出今已削去

送李山人還

前人

從來無檢束只欲老煙霞雞犬聲相應深山有幾家

送李山人還玉溪

顧況

好鳥共鳴臨水樹幽人獨欠買山錢若為種得千竿竹引

取君家一眼泉

贈題帝山人

耿緯

失意成逋客終年獨掩扉無機狎鷗慣多病見人稀流水

知脩一作藥孤雲伴採薇空齋暮還坐心事與時違

奉和張大夫訓高山人

司空曙

野客居鈴閣重門將校稀豸冠親殺弁龜印織集作荷衣

坐久寒泉集作爽談餘暮角微蒼生須太傅山在豈容歸

送麴山人往衡山

前人

白石先生眉髮老集作已分緝集作雪飲紅漿衣巾半染

集作

白文

文苑英華

煙霞色集作氣語笑蕪和藥草香茅洞玉聲流暗水衡山碧

氣集作色映朝陽千年城郭如相問華表峩峩有夜霜

文苑英華卷第二百三十一

登仕郎胡柯 鄉貢進士彭叔夏 校正

戊寅正月初八日校字本訂正八十二字

文苑英華卷第二百三十一

詩八十二

文苑英華卷第二百三十二

隱逸三

山人三十三首

隱士四十二首

山人

送侯山人赴會稽

崔峒

仙客辭蘿月東中就一官且歸滄海住猶向白雲看猿叫

江天暮蟲聲野浦寒時遊鏡湖裏爲我把魚竿

禁中送任山人此人自青城獻伏火諸石恩命於木山更取大還李秘

子去非長遠君恩取大還補天留彩石縮地入青山獻壽

千春一作年外來朝數月間莫拋殘藥物竊欲駐童顏

行藥前軒呈董山人

盧綸

不覺老將至瘦來方自驚朝昏多病色起坐有勞聲體一作
暖苦肌癢藏虛唯耳鳴桑公富露術一為保餘生

早行寄朱山人放

戴叔倫

山集作風曉旅人去天高秋氣悲明河川上沒芳草露中衰

集作滋此別又萬集作千里少年能幾時青冥詩選作心知剡溪路

集作遠心與謝公期詩選作聊且寄前期

贈李山人居

前人

此意無所欲集作靜無事閉門風景遲柳條將白髮相對共垂

絲

酬秦山人出山見呈

釋皎然

手携酒榼共書帙迴語長松我即歸若是出山機更一作亦

息嶺雲何事背君飛

尋李山人不遇

王建

山客長閑少在時溪中放鶴洞中碁生金有氣尋還遠仙

藥成窠見即移莫為無家陪寺宿一作食應緣將米寄人炊

從頭石上留名去獨向峰前問老師

太山集作白老人

張籍

日觀東邊集作峰幽客住竹巾藤帶亦逢迎暗脩黃錄無人

見深種胡麻共犬行洞裏仙家常獨往壺中靈藥自為名

春泉四面達一作西茅屋日日唯聞杵臼聲

池上贈山人芾君

白居易

新竹夾平流新荷拂小舟眾皆嫌拙好誰肯伴閑遊客為

忙多去僧回飯暫留猶憐帝處士盡日共悠悠

題施山人野居

前人

得道應無着謀生亦不妨春泥秧稻暖夜火焙茶香
水巷風塵少松齋日月長高閑真是貴何處覓侯王

贈王山人

前人

聞君減寢食日聽神仙說暗待非常人潛求長生訣
言長本對短未離生死轍假使得長生總能勝天
折松樹千年朽槿花一日歇畢竟共虛空何須誇歲月
彭殤徒自異生死終無別不如學無生無生即無滅

送孫山人

姚合

山人言語質住世恨多時集作山翁來帝里不肯住多時塵土衣裳重

腥羶僕隸肥林中愁不到城外老應遲誼寂一為集作別相逢未有期

寄崔之仁山人

前人

百門陂集作坡上住石屋兩三間日月難教化集作老妻兒乞

與閑仙方集作經棟客示集作問酒價集作藥債煮金還何計能相

引集作訪終身得在山

贈王隱山人

于武陵

石室掃無塵人寰與此分飛來南浦樹半是華山雲浮世
幾多事先生應不聞寒川蒲西日空照鴈成群

送褚山人歸日本

賈島

懸帆待秋色去人杳冥間東海幾年別中華此日還岸遙

生白髮波盡露青山隔水相思在無書也是閑

贈劉山人

前人

二十年中服集作茯苓致書半是老君經東都舊住商人

宅南國新脩道士亭鑿井集作石養蜂休買蜜坐山秤藥不

爭星古來隱者多能卜欲就先生問丙丁

送朴山人歸日本

釋無可

海際晚帆開應無鄉信催水從荒外積人指日邊迴望國

乘風久浮天絕島來儻因華夏使書禮一作轉悠哉

送耿山人歸湖南

周賀

南行隨越僧別業幾池菱兩鬢已垂白一作五湖歸挂曾

夜濤鳴柵鎖寒葦露船燈去此已無事却來知未能

曉別呂山人

劉得仁

疎鐘煎漏盡曙色照青氛棲鶴出高樹山人歸白雲月盈

集作期重宿丹熟集作約相分羨入秋風洞幽泉子細聞

別王山人

前人

昔其雖集作自足未是祿榮親尚遂趨時伴多離有道

人山居衣以集作草生計藥隨集作身不食長無疾集作

年知出一作十旬

集本皆不及此書

贈陶山人

前人

處士例營營唯君縱此生閑能資壽考健不換公卿藥圃

妻同樗山田子共耕定知丹熟後無姓亦無名

送祖山人歸山

前人

偶來朝市笑浮雲却憶烟霞出帝城不說金丹能點化空
教弟子學長生壺中瀉酒看雲飲洞裏逢師下鶴迎料得
仙家玉牌上已鐫白日上昇名

贈王山人

許渾

貰酒携琴訪我頻始知城郭集作市有閑人君臣藥在寧憂
病子母錢成豈患貧年長每勞推甲子夜寒初共守庚申
近來聞說燒丹處玉洞桃花萬樹春

送徐山人歸睦州舊隱

雍陶

君在桐廬何處住草堂應與戴家隣初歸山犬翻驚主又
別沙集作江鷗却避人終日欲為相逐計臨岐集作當時空羨獨

行身秋風釣艇遙堪集作相憶七里灘西片月新

送朴山人歸新羅集作海東

馬戴

浩渺行無極揚帆但信風雲山過海畔集作半鄉樹入舟中
波定遙天出沙平遠岸窮集作蒙離心寄何處日斷曙霞東

題桐廬謝逸人一作題廬峰謝山人江居方干

少小高眠一作民無一事五侯勲盛欲何如潮邊倚竹寒吟
苦石上橫琴夜醉多鳥自樹梢隨菓落人從窓外卸帆過
由來朝士為真隱可要棲身向薜蘿

贈唐山人

李洞

垂鬚長我髮七十黑如鷺醉眼青天小吟情太華低芳烘
離海日舟陷落潮泥邛蜀路無限往來琴自一作獨携

送劉山人歸洞庭

李頻

去意無人會唯應道是從半湖乘早月中路入踈鐘秋蓋
戶蟲急夜深山雨重當時將隱者分得幾株松

題簡山人

張喬

名利了無時何人暫詣師道情閑外見心地與來知竹落
忽穿叢松寒蔭井枝匡山許同社願卜挂帆期

贈別李山人

前人

分合老西秦年年夢白蘋曾為洞庭客還送洞庭人語別
惜殘夜思歸愁見春滄浪濯纓處應念蒲衣塵

集作遙知泊舟
處沙月自相親

送謝山人歸江夏

陳陶

黃鶴春風三千里山人佳期碧江水携琴一醉楊柳堤日
暮龍沙白雲起

尋九華王山人

楊夔

下馬扣荆扉相尋春半時捫蘿盤磴險疊石渡溪危松夾
莓苔迳花藏薜荔籬卧雲情自逸名姓厭人知

題鄭山人郊居

前人

谷口今逢避世才入門瀟洒絕塵埃魚舟下釣乘風去藥
醞留賓待月開數片石從青嶂得一條泉自白雲來竹軒
相對無閑語盡日一肆眺南山不欲廻

隱士

招隱士逍遙公希魯

周明帝

六爻貞遁世三辰光少微頰陽讓逾遠一作頰陽滄州去

一作遂不歸坐石窺仙洞乘槎下釣磯嶺松千仞直巖泉百

丈飛香動秋蘭佩風飄蓮葉衣聊登平樂觀遙想首陽薇

詎一作儻能同四皓來參余萬機一作皆藝文類聚

奉和趙王隱士 王褒

鳧鵠均長短鵬鷃共逍遙清襟蘊秀氣虛席蒲風颺斷絃

唯續葛獨酌只傾瓢菖蒲九重節桑薪七過燒

同前 庾信

洛陽徵五隱東都別二賢雲氣浮函谷星光集潁川霸陵

採樵路一作徑成都賣卜錢鹿裘披稍裂藜床坐欲穿阮籍

推類聚長嘯稽康訝下絃澗險無平石山深足細泉低松

猶百尺一作丈少鶴已千年野鳥繁絃轉山花焰火燃雖無

亭長識終見野人船

奉報窮秋寄隱士 前人

王倪逢齒缺桀溺遇長沮藜床負日卧麥隴帶經鋤自然

曲木几無名科斗書聚花聊飼雀穿池試養魚小徑類聚

治澁路低田補壞渠秋水牽沙落寒藤抱樹踈空枉平原

騎來過仲蔚廬

留贈山中隱士 周弘讓

行行訪名嶽處處必留連遂至一巖裏灌木上參天忽見

茅茨舍暖暖類聚有人煙一士開門出一士呼我前相

看不道姓誰類聚知隱與仙

六代英華 卷之三 詩 七

策杖尋隱士

王績

策杖尋隱士行行路漸賒石梁橫澗斷土室映山斜孝然

疑集作有舍威輦遂無家置酒燒枯葉披書坐落花新垂

滋水釣舊結茂陵置歲歲長如此方知輕世華

春日與裴迪過新昌里訪臣逸人不遇 王維

桃源一向絕風塵柳市南頭訪隱淪到門不敢題凡鳥看

竹何須問主人城外青山如屋裏東家流水入西隣閉戶

看集作書多歲月種松皆老作龍鱗集作皆作老龍鱗

尋白鶴巖張子膺隱處士集作張子容顏處士 孟浩然

白鶴青巖半幽人有舊集作居階庭空水石林壑罷樵漁

歲月青松老風霜苦竹餘集作親茲懷舊業杖集作策返

吾廬

望終南山寄紫閣隱者 李白

出門見南山引領意無限秀色難為名蒼翠日在眼有時

白雲起天際自舒卷一作心中與之然託興每不淺何當

造幽人滅跡栖絕巘

尋龍井楊老 劉長卿

柴門草舍絕風塵空谷耕田學子真泉咽豈勞經隴地集

山深不覺有秦人手栽松樹蒼蒼老身卧桃源寂寂春

唯有胡麻當鷄黍白雲來往未嫌貧

山行尋一作尋隱者不遇 丘爲

絕頂一茅茨直上三十里叩關無僮僕窺室唯案几一作

一作待夫子
又作見之子

白文

若非巾柴車應是釣秋水差池不相見僂俛空仰止草色
新雨中松聲晚窓裏及茲契幽絕自足盪心耳雖無賓主
意頗得清淨理興盡方下山何必見一作待夫子一作皆
送温逸人 垂白集作隱几避松蘇作松 錢起
垂白無名老何年此陸沉丘園應得性婚嫁不縈心歲計
因山薄霞栖在谷深設置連草色曝藥避松陰觸興雲生
岫隨耕鳥下林搯頤笑來客頭上有朝簪

此詩三百十七卷重出今已削去

送韋逸人歸鍾山

卽士元

逸人歸路遠弟子出山迎服藥顏猶駐耽書癖已成柴扉
多歲月藜杖見公卿更作儒林傳應須載姓名

五老峰大明觀贈隱者

姚係見文粹

雲觀此山北與君携手稀林端涉橫水洞口入斜暉乍覺
鸞鶴邈忽為煙霧飛故人清和客默會琴心微丹術幸可
授青龍當未歸悠悠平生意此日復相違

隱士

孟郊

本末一相返漂浮不還真山野多餒士市井無飢人虎豹
忌當道麋鹿知藏身奈何貪競者日與患害親顏貌歲歲
改利心朝朝新孰知富生一作者 榻取富不取貧寶玉忌出
璞出璞先為塵松栢忌出山出山先為薪君子隱石壁道
書為我隣寢興思其義一作載源淡泊味始珍陶公自放歸尚
平去一作正 有依草木擇地生禽鳥順性飛青青與冥宜所

一作五
字白文

保各不違

和盧常侍寄華山鄭隱者

張籍

獨憶

集作坐

三峯下年深學鍊丹一間松葉屋數片

蘇

集作石

花冠酒待山中飲琴將洞內

集作裏又作口

彈開門移遠竹剪草

出幽蘭荒壁通泉架晴崖驪藥壇寧知騎省客長向白雲

看

寄紫閣隱者

前人

紫閣氣沉沉先生住處深有人時得見無路可相尋

集作夜

野鹿伴茅屋秋猿

一作園非

守栗林唯應採靈藥更不別經心

集作營心又作相侵

贈隱者

前人

先生已得道市井亦容身救病自行藥得錢多與人問年

常一作長

不定傳法又非真每

一作常

見隣家

一作翁

說時聞一作

時使鬼神

此詩二百二十九卷重出今已削去注異同為一作

贈新辟穀者

前人

學得食霞法逢人與小還身輕堪

集作魚

試鶴力弱未登

集作

離山無食犬猶

一作常

在不耕牛自閑朝朝唯盥漱

集作空

漱水

叩齒草堂間

寄邢逸人

鄭常

羨君無外事日與世情違地僻人稀

一作難

到溪深鳥自飛

儒衣荷葉老野飯藥苗肥疇昔江湖意如今憶共歸

贈隱者已見二百二十八卷

于鵠

懷西峰隱者

周賀

萬木藏峰色天寒望即愁高源何日去遠瀑入城流臘近

音溪一作書絕燈殘雲霰一作稠還當相憶處枕上苦吟休

送孫逸人

賈島

衣履集作履猶同俗妻兒亦宛然不食能累月無病已多年

是藥皆諳性令人漸信仙杖頭書數卷荷入翠微煙

懷紫閣隱者

前人

寂寥思隱者孤竹集作坐秋霖梨栗集作喜熟雲山僧說深

寄書應不到結伴擬同尋廢寢方終夕迢迢一作沉沉紫閣心

題隱者居

前人

雖有柴門長不關片雲孤木伴身閑猶嫌住久人知處見

擬移家更上山

題孫逸人山居

杜牧

長懸青紫與芳枝塵刹一作無因免別離馬上多於在家

日罇前堪憶少年時關河客夢還鄉遠雨雪山程出店遲

却羨高人終此老軒車過盡不知誰

送隱者

前人

無媒逕路草蕭蕭自古雲林遠市朝公道世間唯白髮貴

人頭上不曾饒

寄題商洛王隱士居

許渾

近逢商洛客知爾住南塘草閣平春水柴門掩夕陽尋蜂

收野蜜隨麝拾集作生香更憶前年別集作醉 松花蒲石床

題終南山隱者居

姚鵠

開門絕壑旁躡蘚過花梁路入峰巒影風來芝木集作香
夜吟明雪牖春夢閑雲房盡室更何有一琴共一觴

寄終南山隱者

薛能

海日東南出應開嶺上扉掃壇花入簞科竹露霑衣飯後
嫌身重茶中見鳥歸相思愛名者難說與親違

贈隱者

前人

自得高閑性平生向此棲月潭雲影短集作山葉雨聲齊
庭樹人書匝欄花鳥坐低相留未不望集作經宿話丹梯

嵩陽隱者

李頻

當門看少室倚杖復披衣每日醒還醉無人是与非架書
抽讀亂庭果摘嘗稀獨有江山客思家未得歸

贈隱者

溫庭筠

茅堂對薇蕨爐煖一裘輕醉後楚山夢覺來春鳥聲採茶
溪樹綠煮藥石泉清不問人間事忘機過此生

贈華山

集作隱者

方干

少微夜夜當仙掌更有何人在此居花月舊交看浴鶴松
蘿本主集作伴剛書素琴醉後集作經宵枕衰髮寒來向

日梳故國多年歸未遂因逢此地憶吾廬

送隱者歸羅浮

李群玉

春山杳杳日遲遲露入雲峰白犬隨兩卷囊一作書番貫

酒一柯樵斧坐看碁蓬萊道士飛霞札清遠仙人寄好詩
自此塵寰音信斷山川風月未相思

題嵩高隱者居

鄭谷

豈易訪仙蹤雲蘿千萬重他年來卜隱此境願相容亂水
林前集作路深山望集作裏鍾見君琴酒樂迴首興何慵

送張逸人

前人

人間踈散更無人浪兀孤舟酒兀身蘆笋鱸魚拋不得五
陵珍重五湖春

避世翁

陳陶

海上一簑笠終年垂釣絲滄洲有深意冠蓋何由知直鉤
不營魚蝸室無妻兒渴飲寒泉水肌飡紫靈一作芝鶴髮

披兩肩高懷如澄陂嘗聞仙老言云是古鴟夷石竇閔雷
雨金潭養蛟螭乘槎上玉津騎鹿遊峨嵋以人爲語默與
世爲雄雌茲焉乃磻溪豹變應須時自古隱淪客無非王
者師

題袁溪張逸人所居

羅隱

蒲梢獵獵鷺差池數里溪光日落時芳草集作文君機上
錦遠山孫壽鏡中眉雞窻夜靜開書卷魚檻春深展釣絲
若使浮名拘絆得世間何處有男兒

寄南城韋逸人

前人

杜甫詩中芾曲花至今無賴尚家家美人曉折露沾袖公
子醉歸香蒲車萬里丹青傳不得二年風雨恨無涯羨他

南澗高眠客春去春來任物華

寄喬逸人

前人

南經湘水集作浦北揚州別後風帆幾度遊春酒誰家禁爛

熯野花何處最淹留欲憑尺素邊鴻懶未定雕梁海鷺愁

長短此行須入手更饒君占一年休集作秋

羅浮山下書逸人壁

曹松

海上亭臺山下煙買時幽邃不爭錢莫言白日催華髮自

有丹砂駐少年漁釣未歸深竹裏琴壺猶戀落花邊可中

更踐無人境知是羅浮第幾天

送朴山人歸日本 儻因華夏使書禮轉悠哉 集作歲周逢舊岸西想始悠哉

文苑英華卷第二百三十二依宋本校正六十五字 正月和十日

詩八十三

寺院塔附

梁武帝一首

陳後主一首

江總五首

劉孝先一首

庾信二首

蕭愨一首

孔德紹一首

徐伯陽一首

劉孝孫一首

王勃二首

盧照隣二首

駱賓王一首

沈佺期二首

宋之問九首

張說四首

蘇頌三首

張九齡二首

蔣渙一作煥一首

上七字白文

文苑英華

六七

寇埴一首

寇垣一首

孫逖二首

天安寺疏圃堂

梁武帝

乘和蕩猶豫此焉聊止息連山去無限長洲望不極參差
照光彩左右皆春色曉暎暎遊絲出沒看飛翼其樂信忘
返條一作然寧有即

同江僕射遊攝山棲霞寺

陳後主

時宰礚溪心非關狎竹林鶯嶽青松繞雞峯白日沉天回
浮雲細山空明月深摧殘枯樹影零落古藤陰霜月夜鳥
去風露寒猿吟自可盡出俗詎是願抽簪

遊栖霞寺新雨集作時雨

江總

霖霖新雨霽清和孟夏肇栖宿綠野中登岫丹霞杪敬仰
高人德抗志塵物表三空豁已悟萬有一何小始從情所
寄冥期諒不少荷衣步林泉麥氣涼昏曉乘風西冷冷候
月臨皎皎煙崖憇古石雲路排征鳥披逕憐森沉攀條惜
杳裊平生忘是非一作謝豈矜矯五淨自此生一作六塵庶
無擾

攝山栖霞寺山房夜坐簡徐祭酒周尚書共遊羣

彦

前人

澡身事珠戒非是學金丹月磴時橫枕雲崖宿解鞍梵宇
調心易禪庭數息難石澗水流靜山窻葉去寒君思比闕
駕我惜東都冠翻愁夜鍾盡同志不盤桓

再遊栖霞寺言志

前人

靜心抱冰雪暮齒通疑桑榆太息波川迅悲哉人世拘歲

華一作皆採穫冬晚共嚴枯濯流濟八水開襟入四衢茲

山靈妙合當與天地俱石瀨乍深淺煙岸一作遞有無缺

碑橫古隧盤木卧荒塗行行備履歷步步憐威紆高僧迹

共遠勝地心相符樵隱各有得丹青獨不渝遺風佇芳桂

比德喻生芻寄言長往客悽然傷鄙夫

明慶寺

前人

十五詩書日六十軒昂年名山極歷覽勝地殊番連幽崖

聳絕壑初學記洞穴一作飛泉金河知證果石室乃安禪市

朝霑草露淮海桑田一作夜梵聞三界朝香徹九天山階步

皎月澗戶聽涼蟬末初學記言望鍾嶺更復切秦川

入龍丘巖精舍

前人

法堂猶集鴈倦竹幾成龍聊承丹桂馥遠視一作白雲峯

風窸穿石竇月擘拂霜松暗谷番征鳥空林徹夜鍾陰峰

未辨色疊樹豈知重溘此哀時命吁嗟世不容無由訪詹

尹何去復何從

和七名法師秋夜草堂寺禪房月下 劉孝先

幽人住山北月上一作照山東洞戶臨松徑虛窓隱竹叢

出林避炎影步逕一作逐涼風平雲斷高岫長河隔淨空

數螢流暗草一鳥宿疎桐興逸煙霄上神閑宇宙中還思

城闕下何異處樊籠

文苑英華

卷之三

和周趙王遊雲居寺

庾信

重巒千仞塔危磴九層臺石關還一作常逆上山梁作斗迴

階類聚作階下雲峯出窻前風洞開隔嶺鍾聲應類聚作度中天梵

響來于時欣侍從於此共徘徊

奉和太寺浮圖

前人

茗茗陵太一作泰清照殿比東京長影臨雙闕高層出九城

拱積浮雲礙幡搖度鳥驚花一作鳳飛如始落一作通泊連合似

初生輪重對月滿鐸韻擬鸞聲畫水流全住圖雲色半行

一作輕煙露晚一作露猶滴珠火朝更明雖連博望苑還接

銀沙城天香下殿桂仙梵入伊笙庶同八界樂一作八解樂

方遣六塵情一作皆藝

和崔侍中從駕經山寺

蕭愨

鈎陳夜驚微河漢曉參一作縱橫遊騎騰騰一作雲馬前驅轉

翠旌野禽喧曙色山樹動秋聲雲表金輪見巖端畫拱明

塔疑從地涌蓋似積香成泉高下溜急松古上枝一作平

儀容初學記作合多壯思麗藻蔚緣情自嗤非照庶何以繼連

城

登白馬山護明寺

孔德紹

名嶽標形勝危峰遠鬱紆成象建環極大壯闡規模一作

層一作高臺聳靈鷲南一作殿邈陽鳥暫同遊閨苑還類入仙都

三休開碧嶺一作題萬戶動一作洞金鋪攝心罄前禮訪道把

中衢一作虛遙瞻盡地軸長望極天隅白雲起梁棟丹霞映

文苑英華 卷一百一十五 詩 五言 古詩 登白馬山護明寺

松檼露花疑濯錦泉月似沉珠今日桃源客相顧失歸塗
遊鍾山開善寺 徐伯陽

聊追鄴城友躡步出蘭宮法侶殊人世天花異俗中鳥聲
不測處松吟未覺風此時超愛網還復洗塵蒙

遊靈山寺

劉孝孫

吾王遊勝地駮駕歷祗園臨風畫角憤曜日采旗纓未懷
筌了義寂念啓玄門深溪窮地脉高嶂接雲根信美諸心
賞幽桂一作且攀援曳裙欣扈從方悟屏塵諠

遊梵宇三學寺

王勃

杏閣披青磴瑤臺控紫岑葉齊山路逕一作花積野壇深
蘿幌栖禪影松門聽一作梵音遽忻陪妙躅延賞一作瀛

煩襟

觀佛跡寺

前人

蓮座神容儼一作松崖聖趾餘年長金跡淺地久石芝一作
文疎頽華臨曲磴傾影赴前除共嗟一作陵谷遠俄視化

城一作虛

石鏡寺

盧照隣

古墓芙蓉塔明神松栢煙鸞沉僊集作鏡底花沒梵輪前
銖末千古佛寶月兩重圓隱隱香臺夜鍾聲徹九天

赤谷安禪師塔

前人

獨坐巖之曲悠然無俗紛酌酒呈丹桂思詩贈白雲煙霞
朝晚一作聚猿鳥歲集作時聞木華鏡秋色山翠含夕暉

高談十二部細數五千文如如數冥昧生生理氣集作氣古人有糟粕輪扁情未分且當事芝朮從吾所好云

和王記室從趙王春日遊陁山寺 駱賓王

鳥旛陪訪道鷲嶺洽一作棲真四禪明靜業三空廣勝因

祥河踈疊澗慧日皎重輪葉暗龍舟密花明鹿苑春彫談

筌奧旨妙辯漱玄津雅曲終難和徒自奏巴人

樂城白鶴寺 沈佺期

碧海開龍藏青雲起鴈堂湖一作潮聲應法鼓雨氣濕天香

樹接前山暗溪承瀑水涼無言誦居遠清淨得空王

遊少林寺 前人

長歌遊寶地徙倚對珠林鴈塔丹青古龍池歲月深緝園

澄夕霽碧砌集作殿下秋陰歸路烟霞遠集作晚山蟬集作風處

處吟

遊韶州廣果寺 宋之問

影殿臨丹壑香臺隱翠霞巢飛銜一作街象鳥砌躡雨空花

寶鐸搖初霽金池映晚沙莫愁歸路遠門外有三車

宿清遠峽山寺 前人

香岫懸金刹飛泉界石門空山唯習靜中夜寂無喧說法

初聞鳥看心欲定徠寥寥隔塵事何異武陵源

遊法華寺二首 前人

薄遊京都日遙羨稽山名分刺江海郡鳩來微素情松路

洗心眷象筵敷念誠薄雲解一作界青嶂暎一作日騫朱甍

苔澗一作非澗深不測竹房閑且清感真六象見垂兆二鳥一作鳥鳴古今信靈跡中州莫與京林巘未栖業豈伊在一生浮悟雖已久事試去來成觀念幸相續庶幾最後明

同前

前人

高岫擬耆闍真乘飲引妙車空中結樓殿意未出雲霞後果

傳三足一作尺前因感一作取六牙宴林薰寶樹水瀾瀾瀾集作瀾瀾

金沙寒谷梅猶淺温庭橘未華臺香紅藥亂塔影綠篁遮

果漸輪王族緣超梵帝家晨行蹋忍草夜誦得靈花江郡

將何匹天都亦未加朝來泛舟一作沿泛所應是逐僊查

遊雲門寺

前人

維舟深靜域作禮事尊經投跡一蕭散為心自杳冥金龍交

大禹穴樓倚少微星沓嶂圍蘭若廻溪抱竹庭覺花塗砌

白甘露洗山青鴈塔騫金地虹橋轉翠屏人天宵念影神

鬼晝潛形理勝常虛寂緣空自感靈入禪從鶴繞說法有

龍聽劫累終期滅塵躬豈暫寧搖搖不安寐待月詠崑崙

遊稱心寺

前人

釋事懷三隱清襟謁四禪江鳴潮未落林曉日初懸寶葉

交香雨金沙吐細泉望諸舟客趣思發海人煙顧櫪仍留

馬乘盃久棄船未遊龜負岳且識鳥耘一作耕田理契都無

象心冥不計筌安期庶可揖天地得齊年

秋晚遊普耀寺

前人

薄暮曲江頭仁祠暫可留山形無隱霽野色遍呈秋荷覆

香泉密藤纏集作綠寶樹幽平生厭塵事遇集作過此忽悠悠

題杭州天竺寺

前人

鷲嶺巒岩堯龍宮隱寂寥樓看一作觀滄海日門聽浙江潮

桂子月中落天香雲外飄捫蘿登塔遠剝木取泉遙霜序

花更發冰溪葉未凋夙齡尚遐異搜對滌煩囂會入天台

裏看余渡石橋

宿雲門寺

颺颺集作颺

前人

雲門若邪裏泛鷁路纔通夤緣綠篠岸遂得青蓮宮天香

衆壑滿夜梵前山空漾漾潭際月飄飄集作颺杉上風茲焉

多嘉遯數子今莫同鳳歸慨處士鹿化問一作聞僊公樵路

鄭州北學井阿巖東未夜豈云寐曙華忽葱龍谷鳥嚙尚

澁源桃驚未紅再來期春暮當造林端窮庶幾蹤謝客開

山投剡中

清遠江峽山寺

張說

流落經荒外逍遙此梵宮雲峯吐日月集作月白石壁淡煙虹

集作紅寶塔靈僊湧懸龕造化功天香涵竹氣虛唄引松風

簷牖飛花滿集作入廊堦集作房廊激水通猿鳴知山靜魚戲見

集作辨江空靜默將何貴所貴心境集作鏡同

襄州景空寺題融上人蘭若

張說

高名出漢陰禪閣跨香岑衆山既集此圍遠長澗集作川復

迴臨雲峯曉靈集作空變風木夜虛吟碧甃龍池滿蒼松虎

逕深舊知清巖意集作青巖偏入冥實心何由侶飛錫從此

陳得

脫朝簪

滄湖山寺

前人

空山寂歷道心生虛谷迢

集作超

遙野鳥聲禪室從來塵外

賞春香臺豈是世中情雲間東嶺千重出樹裏南湖一片明

若使巢由同

一作知

此意不將蘿薜易簪纓

遊龍山靜勝寺

前人

每上襄陽樓遙望龍山樹鬱弗吐岡嶺微芒

集作蒙

在煙霧

下車歲已成飾馬閑

集作問

餘步苦霜衰

集作豪衰

野草愛日揚

紅集作江

煦雲對石上塔風入松下路禪室宴三空仁祠圖

集作同

六趣兒童供戲

集作共嬉

詭猿鳥相驚顧南識恒山

集作桓公

臺北亂先賢墓世上人何在時聞心不住唯

一作但

傳無盡

燈可使有情悟

武檐山寺

蘇頌見集本

武檐獨蒼然墳山下至泉鬘靈時共盡龍女事同遷松柏

銜哀處幡花種福田詎知留鏡石長與法輪圓

慈恩寺二月半寓言

前人

二月韶春半三空霽景初獻來應有受滅盡竟無餘化迹

傳官寺歸誠謁梵居

一作問

殿堂花覆席觀閣柳垂疏共命

枝間鳥長生水上魚問津窺彼岸迷路得真車行密幽關

靜談精俗態祛稻麻欣所遇蓬蘚愴焉如不駐秦京陌還

題蜀郡與愛離方自此迴望獨躊躇

利州北佛龕前

一無此字

重於去歲題處作

前人

集作法鏡

重巖戴清美分塔題增集作起曾標蜀守經塗處巴人作禮朝
地疑三界出空是六塵銷卧石鋪蒼蘚行江覆綠條歲年
書有記非為學題橋

祠紫蓋山塗經玉泉諸山寺

張九齡

指塗躋楚望策馬傍荆岑稍稍松篁入泠泠澗谷深觀竒

逐幽映歷幽集作險一作覽忘嶇嶇一作嶽嶽上界投佛影中天揚梵

音焚香懺在昔禮足誓來今靈異有時集作若有對聖僊真集

其可尋高僧問逝者絕集作遠俗是初心蘇駁集作經行處

猿啼宴坐林歸真已寂滅留跡豈埋沉法施自茲廣何云

千萬金

冬中至玉泉山寺屬窮陰冰閉崖谷無色集作及

仲春行縣復往焉故有此作 前人

靈境信幽絕芳時重暄妍再來及茲勝一遇非無緣萬木

柔可結千花敷欲然松間鳴好鳥竹集作林下流清泉石壁

開精舍金光照法筵真空本自寂假有聊相宣復此灰心

者仍追巢頂禪簡書雖有畏身世亦俱捐

登栖靈寺塔

蔣煥一作

三休尋磴道九折步雲霓瀝澗臨江北郊原極海面沙平

瓜步出樹遠綠楊低南指晴天外青峯是會稽

題瑩上人院

寇埴

捨筏求香偈因泉演妙音是明捐俗網何獨一作在山林

繚繞藤軒密逶迤竹徑深為傳同學志茲宇可清心

同皇甫兵曹天宮寺浴室新成招友人賞會

寇垣

溫室歡初就蘭交託勝因共聽無漏法兼濯有為塵水潔絮
三空性香露四大身清心多苦善友頌德慰同人

奉和崔司馬遊雲門寺

遜逃

繫馬青溪樹禪門春氣濃香臺花下出講坐竹間逢覺路
山童引經行谷鳥從更言窮寂滅廻策上南峯

和崔司馬登稱心山寺

前人

郡府乘休日王城訪道初覺花迎步履香草藉行車倚閣
觀無際尋山盡太虛巖穴迷禹跡海靜望秦餘翡翠巢珠
網鷓鴣間綺疎地靈資煥土水若護真如寶樹誰攀折禪

雲自卷舒晴分五湖勢煙合九夷集作居生滅分無象窺

臨已得魚嘗集作聞寶刀贈今日奉瓊琚

文苑英華卷第二百三十三

登仕郎胡 柯 鄉貢進士彭 叔夏 校正

據宋刊本按正五十一字戊寅三月十日

藏園老人病起記

文苑英華卷第二百三十三

文苑英華卷第二百三十四

詩八十四

寺苑二塔贊

王維十首

孟浩然八首

杜甫八首

李白三首

祖詠一首

丁僊芝一首

高適二首

蔡希寂一首

綦毋潛七首

宋昱一首

常建一首

王昌齡四首

陶翰一首

劉昫虛一首

遊化感寺

王維

翡翠香煙合琉璃寶地平龍宮連棟宇虎穴傍簷楹谷靜

唯松響山深無鳥聲瓊峰當戶坼金澗透林明鄧路雲端
迴秦川雨外晴鴈集作王銜果獻鹿女蹈集作花行打散

辭貧里歸依宿化城繞籬生野蕨空館發山櫻香飯青菘
一作米嘉蔬綠笋莖集作紫誓陪清梵末端坐學無生

過化感寺曇興上人山院

前人

暮持筇竹杖相待虎溪頭催客聞山響歸房逐水流野花
藜發好谷鳥一聲幽夜坐空林寂松風直似秋

過福禪師蘭若

前人

巖壑帶松集作轉微又作帶茅逕雲林隱法堂羽人飛奏樂天一作

女跪焚香竹外峰偏曙藤陰水更涼欲知禪坐久行路長
春芳

春日上方即事

前人

好讀高僧傳時看碎殺方鳩形將刻杖龜殼用支牀柳色

春山映梨花集作夕鳥藏北窓桃李下閑坐但焚香

遊悟真寺

前人又玄集
作王緝

聞道黃金地仍依集作白玉田擲山移巨石呪嶺出飛泉

猛虎同三逕愁猿學四禪買香燃綠桂乞火蹋紅蓮集作

草色搖霞上松聲泛月邊山河窮百二世界滿三千梵宇

聊平覽集作憑視王城遂渺然霸陵纔出樹渭水欲連天遠縣

分朱郭孤城集作起白煙望雲思聖主披霧憶羣賢薄宦

慙尸素終身擬尚玄誰言草庵客曾和栢梁篇紅蓮集作
青蓮

登辯覺寺

前人

竹逕連集作初地蓮峯出化城窻中三楚靜集作林外集
上九江平嫩集作草承集作跌坐長松響梵聲空居法雲外觀
世得無生

資聖寺送甘二

前人

浮生信如寄薄宦夫何有來往本無歸別離方正集作受
柳色諳春餘槐陰清夏首不學御溝上街街悲執盃酒

別弟縉後登青龍寺望藍田山 前人

陌上新別離蒼茫四郊晦登高不見君故人復雲外遠樹
蔽行人長天隱秋塞心悲宦遊子行處飛征蓋

藍田山石門精舍二首 前人

落日山水好漾舟信歸風旣寄集作不覺遠因以綠源窮

遙愛雲木秀初言集作路不同誰集作知情流轉偶與前

山通集本二詩共為一首

二

捨舟理輕策果然愜所適老僧四五人逍遙蔭松栢朝梵
林未曙夜禪心集作更寂道心及牧童世事聞樵客暝宿
長林下焚香卧瑤席澗芳襲人衣山月映石壁再尋畏迷
誤明發更登歷笑謝桃源人花紅復來覩

陪張丞相禮集作紫蓋山塗經玉泉諸寺

孟浩然

望秩宣王命齋心待漏行青襟列冑子從事有參卿五馬
尋歸路雙林指化城聞鍾鹿門近照膽玉泉清皂蓋依林

集作 憇 緇徒擁錫迎天堂集作宮 上兜率沙界豁迷明欲就

終焉志雖謀計未成集作先聞智者名 人隨逝水一作波 沒山逐一作

欲覆船一作舟 傾想像若在眼周流空復情集本添此四句 謝公還

欲卧誰與濟蒼集作生

臘月八日於剡縣石城寺禮拜 前人

石壁開金像香山繞集作倚 鐵圍下生彌勒見迴向一心歸

松竹集作栢 禪庭古樓臺世界稀夕嵐增氣色餘照發光輝

講席邀談柄泉堂施浴衣願承功德水從此濯塵機

題容山主三字集作融公 蘭若 前人

精舍買金地集作開 流泉繞砌迴芰荷薰講席松栢繞集作映

香臺法雨晴飛集作去 天花晝下來一乘談未了集作談玄殊未

已 綠騎夕陽催

宿萊集作業 師山房期丁大集作公 不至 前人

夕陽度西嶺羣壑倏已暝松月生涼意一作夜涼 風泉滿清聽

樵人歸欲盡磴一作煙 鳥栖初定之子期未來孤宿集作琴 候

蘿徑

同王九題就師山房 前人

晚憇支公寺故人逢右軍軒窓避炎暑翰墨動新文竹開

窓裏日集作竹蔽 雨隨階下雲周遊集作旋 青陰遍吟卧夕

陽曛江靜榜集作棹 歌歇溪深樵語聞歸塗未忍去携手戀

清芬

陪姚使君題惠上人房 前人

帶雪梅初暖含煙柳尚青來窺童子倘得聽法王經會理
知無我觀空厭有形迷心應覺悟客思不集作未違寧

雲門寺西六七里聞符公蘭若最幽與薛八同造

前人

謂余獨迷一作遊方逢子亦在野結交指松栢問法尋蘭若

小溪劣容舟恠石屢驚馬所居最幽絕所往集作住皆靜者

密篠夾路傍清泉流舍下集作雲簇興坐上人亦何問集作偶天空落階下

聞塵念都集作俱已捨四禪合真如一切是虛假願承其

露潤喜得惠風灑依止此集作依山門誰願教集作誰立

也

疾愈過龍泉寺精舍呈易業二公 前人

亭午聞山鍾起行散集作送愁疾尋林採芝去轉谷集作谷轉松

翠密傍見精舍開長廊飯僧畢石梁集作梁流雪水金鳥集作

子又暉霜橘竹房思舊遊過憇終永日入洞窺石髓傍崖

採蜂蜜日暝辭遠公虎溪相送出

山寺

杜甫

野寺殘僧少山園細路高麝香眠石竹鸚鵡啄金桃亂石

通人過懸崖置屋牢上方重閣晚百里見織毫

奉和裴十四廸新津山寺寄王侍郎即王 前人

何限倚山木吟詩秋葉黃蟬聲集古寺鳥影度寒塘風物

悲遊子登臨憶侍郎老夫探賞集作興日隨意宿僧房

題忠州龍興寺所居院壁 前人

忠州三峽內井邑聚雲根小市常爭道集作孤城早閉門
空看過客淚莫覓主人恩淹泊仍愁虎深居賴獨園

宿贊公房

東京大雲寺
主請在安置

前人

杖錫何來久

集作

秋風已颯然雨荒深院菊霜倒半池蓮

放逐寧虧

集作

性虛空不離禪相逢成夜宿隴月向人圓

上兜率寺

前人

兜率知名寺真如會法堂江山有巴蜀棟宇自齊梁度信
哀雖久何顛好不忘白牛車遠近且欲上慈航

秦州雜詩

前人

秦州城北寺勝跡隗囂宮苔蘚山門古丹青野殿空月明
垂葉露雲逐度溪風清渭無情極愁時獨向東

法鏡寺

前人

身危適他州勉疆終勞苦神傷山行深愁破崖寺古嬋娟
碧蘚集作淨蕭槭寒籜聚回回石根水冉冉松上雨洩雲

蒙清晨初日翳復吐朱薨半光烟戶牖粲可數拄策忘前
期出蘿已亭午冥冥子規叫微逕不敢復集作取

同諸公登慈恩寺塔

前人

高標跨蒼天一作烈風無時休自非曠士懷登茲翻百憂
方知象教力立集作可追冥搜仰穿龍地窟始驚集作枝

撐幽七星在北戶河漢聲西流羲和鞭白日少昊行青秋
泰山忽破碎涇渭不可求俯視但一氣焉能辨皇州迴首

叶虞舜蒼梧雲正愁惜哉瑤池宴集作日晏崑崙丘黃鵠

去不息哀鳴何所投君看隨陽鴈各有稻梁謀

秋夜宿龍門香山寺奉寄王方城十七丈國瑩上

人從弟幼成令問

李白

朝發汝海東暮棲龍門中水寒夕波急木落秋山空望極
九霄迥賞幽萬壑通日浩沙上月心清松下風玉斗生網
戶銀河耿花宮興在趣方逸歡餘情未終鳳駕憶王子虎
溪懷遠公桂枝坐簫瑟棣華不復同流恨寄伊水盈盈焉
可窮

流夜郎永華寺寄潯陽羣官

前人

朝別凌煙樓賢豪滿行舟暝投永華寺宿散予獨醉願借
九江流添成萬一作行淚寫意寄廬嶽何當來此地天命

有所懸安得苦愁思

廬山東林寺夜懷

前人

我尋青蓮宇獨往謝城闕霜清東林鍾水白虎溪月天香
生虛空天樂鳴不歇宴坐寂不動大千入毫髮湛然冥貞
心曠劫斷出沒

題遠公經臺

祖詠

蘭若無人到真僧出復稀苔侵行道席雲濕出禪衣一作
溪鼠緣香案山蟬噪竹扉世間長不見寧止暫忘歸

和薦福寺英公新構禪堂

丁儂芝

上人久棄世中道自忘筌寂照出羣有了心清衆緣所成
於此地築館開青蓮果藥羅砌下煙虹垂戶前呪中灑耳

露指處流香泉神遠日無事體清宵不眠枳開廬山法松
入漢陽禪一枕四山外虛舟常浩然

宿開善寺贈陳十六

高適

駕車出入境避暑投僧家徘徊龍象側如見香林花讀書
不及經飲酒還勝茶知君悟此理所未披袈裟談空忘外
物持誠破諸邪則是無心地相知集作唯月華相知集作

發廣陵栖靈寺塔

前人

淮南富登臨茲塔信竒最直上造雲族憑虛納天籟迥然
碧海面獨立飛鳥外始知高興盡適與賞心會連山黯吳
門喬木吞楚塞城池滿窓下物華集作歸掌內遠思駐江
帆暮晴結春靄軒車疑春動造化資大塊何必了無身然

後知所遇

登福先寺上方然公禪室

蔡希寂

名都標佛刹萬構臨河干舉目上方峻森森青翠攢步登
諸劫盡忽造浮雲端當暑敞扃闥一作扃闥遂却嫌締綌寒禪

房最高頂靜者殊閑安踈雨向空城數峰簾外盤午鍾振
衣坐招我同一食真味雜飴露衆香唯蒹蘭晚來恣偃俛
茶果仍番歡

題鶴林寺

綦毋潛

道門集作林隱形勝向背臨層霄集作行法橋松覆山殿冷花藏

溪路遙珊瑚寶幡桂焰焰明燈燒遲日半空谷春風連上

潮少憑集作適水木與翫黍集作泠身心調願謝携手客茲

山禪誦饒

題栖霞寺

前人

南山勢迴合靈境依此住殿轉雲崖陰僧探石泉渡龍虵
爭翕習神鬼皆密護萬壑奔道場羣峰向雙樹天花飛不
著水月白成路今日觀我身歸心復何處

登天竺寺

前人

郡有化城最西窮疊嶂深松門當澗口石路在峰心幽見
夕陽霽高逢暮雨陰佛身瞻緝髮寶地踐黃金雲向竹溪
盡月從花洞臨因物成真悟遺世在茲

宿龍興寺

前人

香剎夜忘歸松青古殿扉燈明方丈室珠繫比丘衣白月

傳心淨

集作靜

青蓮喻法微天花落不盡處處鳥銜飛

題淨林

集作淨林

寺山頂禪院

前人

招提此山頂下界不相聞塔影挂清漢鍾聲扣

集作和

白雲

觀空靜室掩行道衆香焚且駐西來集作東駕人天日未曛

題招隱恂

集作恂公房

前人

開士度人久空山花霧深徒知宴坐處不見有為心蘭若
門對壑田家路隔林還言澄集作澄法性歸去比黃金

過上人蘭若

前人

山頭禪室挂僧衣窗外無人溪鳥飛黃昏半在山下路却
聽鍾集此作松聲連翠微

題石窟寺即魏孝文之所置

宋昱

梵宇開金地香龕鑿鐵圍影中羣象動空裏衆靈飛簾一作
簷牖籠朱旭房廊鍊翠微瑞蓮生佛步寶樹挂天衣邀福
功雖在興王代久非誰知雲朔外更覩化胡歸

題破山寺後禪院

常建見文粹

清晨入古寺初日耀一作明高林竹逕通幽處禪房花木深

山光悅鳥性潭影空人心萬籟此都寂但餘鍾磬音

過香積寺

王昌齡

不知香積寺數里入雲峰古木無人徑空山何處鍾泉聲
咽危石日色冷青松薄暮空潭曲安禪制毒龍

與蘇盧二員外期遊丈八寺而蘇不至因有此作

前人

共仰頭陀行能忘世諦情廻看雙樹闕相去一牛鳴法向
空林說心隨寶地平手中花疊淨香帔稻畦成問道邀同
舍相期宿化城安知不來往翻得似無生

洛陽尉劉晏與府縣諸公茶集天宮寺岸道人房

前人

良友呼我宿明月懸天宮道安風塵外灑掃青林中削去
府縣理豁然神機空自從三湘還始得今夕同舊居太行
北遠官滄海東各有四方事白雲處處通

香積寺禮萬廻平等二聖僧塔 前人

俱無御化來借有乘化歸如彼雙塔內孰能知是非愚也
駭蒼生聖哉爲帝師當時特世出不由天地資萬廻主此

文苑英華 卷一百三十四
方平等性無違今我一禮心億劫同不移蕭蕭松栢下諸
天來有時

宿天竺寺

陶翰

松栢亂巖石西山微徑通天關一峰見宮闕生虛空正殿
倚霞一作壁千樓集作上方標石叢夜來猿鳥靜鍾梵響雲中
峰翠映湖月泉聲亂溪風心超諸境外了與懸解同明發
氣候改起視長崖東湖色濃蕩滢海光漉朦朧葛僊迹尚
在許氏道猶崇獨徃古今事幽懷期二公

登廬山峰頂寺

劉脊虛

孤峰臨萬象秋風氣何清高庭際南郡出林端西明一作庭際
南郡出林端山門一緇叟振錫聞幽聲心照有為界業懸前

後生徒

一作

知真機靜尚與愛網弁方首金門路未遑參

道情

文苑英華卷第二百三十四

登仕郎胡柯 鄉貢進士彭叔夏 校正

戊寅正月十日依宋本按訂三十九字

藏園老人記

文苑英華卷第二百三十四

文苑英華卷第二百三十五

詩八十五

寺院三

附塔

劉長卿十首

李頎二首

崔曙一首

張謂二首

岑參五首

包佶一首

李嘉祐四首

皇甫曾三首

皇甫冉三首

張繼一首

韓翃四首

褚朝陽一首

卽士元二首

顧況四首

耿緯三首

司空曙六首

冷朝陽二首

李益二首

李端四首

暢當一首

過隱空和尚故居

劉長卿

自從飛錫去人到沃州稀林下期何在山中春獨歸蹋花
尋舊徑映竹掩空扉寥落東峰上猶堪靜者依以下九篇
並見集本

秋夜雨中諸公過靈光寺所居 前人

晤語青蓮合重關閉夕陰向人寒燭靜帶雨夜鍾深流水
從他事孤雲任此心不能捐斗粟終日愧瑤琴

秋夜北山精舍觀體如師梵 前人

焚香奏仙唄向夕遍空山清切兼秋遠威儀對月閑靜分
巖響答散逐海潮還幸得風吹去隨人到世間

自道林寺西入石路至麓山寺過法崇禪師故居

前人

山僧候谷口石路集作
拂莓苔深入泉源去遙從樹杪廻

香隨青靄散鍾過白雲來野雪空齋掩嵐集作
山風古殿開

桂寒知自發松老問誰栽惆悵湘江上何人更度盃

卷思禪寺題上方 前人

西峰上方處臺榭隱朦朧集作上方幽且
暮臺殿隱朦朧遠落秋山裏青

集作
清猿古木中衆溪連竹路諸嶺共松風儻許棲林下甘

成白首翁

宿北山於禪寺集作蘭
若二字 前人

上方鳴夕磬林下一僧還密行傳人少禪心對虎閑青松

臨古路白月滿寒山舊識窓前桂經霜更待攀

集梁耿開元寺所居院

前人

到君幽卧處為我掃莓苔花雨晴天集作無時落松風終日來

路經深竹過門向遠山開豈得長高枕中朝正用才

將赴嶺外番題蕭寺遠公院寺即梁朝蕭內史創

前人

竹房遙閉上方幽苔蘚集作經蒼蒼訪昔游內史舊山空日

暮南朝古木向人秋天香月色同集作空僧室葉落猿啼訪

集作送又作傍客舟此去播遷明主意白雲何事苦集作欲相留

陪元侍御集作郎遊支硎山寺

前人

支公去已久寂寞龍華會古木閑空山蒼然暮相對林巒

非一狀水石有餘態密竹藏晦明群峰爭向背峰峰帶落

日步步入青靄香氣空翠中猿聲暮雲外留連南臺客想

像西方內因逐溪水還觀心兩無礙

登揚州栖集作西靈寺塔

前人

化塔凌虛空雄規壓川澤亭亭楚雲外千里看不隔遙對

黃金臺浮輝亂相射盤梯一作根接元氣半壁棲夜宅集作魄

稍登諸級盡若騁排霜集作霄翻向是滄波人已為青雲客

雨飛千拱霽日在萬家夕鳥處高却低天涯遠如迫江流

入空翠海嶠現微碧向暮期下來誰堪復行役

無名上人東林禪居

李頎

草堂每多暇時謁山僧門所對但群木終朝無一言我心

愛流水此地臨清源舍吐山上日蔽虧松一作雲外村孤峰

隔身世百衲老寒暄禪戶積朝雪花龕來暮依顧余守耕
稼十載隱田園蘿篠慰春波巖潭恣討論洩雲豈知限至
道莫探元且願啓開籥於焉微尚存

宿香山寺石樓

前人

夜宿翠微半高樓聞暗泉漁舟帶遠火山磬發孤煙殿壯
一作雲松外門清河漢遶峰巒低枕席世界接人天靄靄
花出霧輝輝星映川東林曙鷲滿惆悵欲言旋

宿大和尚塔贈如上人兼呈常孫二山人

崔曙

支公已寂滅影塔山上古更有真僧來道場救諸苦一乘
微妙法寓宿清淨土身心能有觀色相了無取森森松映
月漠漠雲近戶嶺外飛雪明夜來前山雨燃燈見棲鴿作
禮聞信鼓曉霽南軒開秋華淨天宇願言出世塵謝爾中
及甫

同諸公遊雲公禪寺

張謂

共許尋鷄足誰能惜馬蹄長空淨雲雨斜月半虹蜺簷下
千峰轉窻前萬木低看山尋徑遠聽鳥入林迷地與喧卑
隔人將物我齊不知樵客意何事武陵溪

長沙失火後戲題蓮花寺

前人

金園寶刹半長沙燒劫旁延一萬家樓殿物隨煙焰盡火
中何處有蓮化

同崔三十侍御灌口夜宿報恩寺

岑參

聞君尋野寺夜一作便宿支公房溪月冷深殿江雲擁迴廊

焚燈松林靜煮茗柴門香勝事不可接相思幽興長

雪後與群公過報恩寺

集作 前人

乘興忽相招僧房暮與朝雪融雙樹濕紗閉一燈繞竹林
山低塔藤間院接集作橋歸家好欲懶倍慮向來銷

上嘉州青衣山中峯題惠淨上人幽居寄兵部楊

卽中

前人

青衣誰開鑿獨在水中央浮舟一躋攀側逕緣穹蒼絕頂
詣高僧豁然登上方諸嶺一何小三江奔茫茫蘭若向西
開峨嵋正相當猿鳥樂幽磬松蘿泛天香江雲入袈裟山
月吐繩床早知清淨理久乃機心志尚以名宦拘聿來夷
獠鄉吾友不可見鬱爲尚書卽早歲愛丹經番心向青囊
耿耿雲智遠幽幽海懷長勝賞難與俱引領遙相望爲政
愧無術分憂幸時康君子滿天朝老夫憶滄浪况值廬山
遠抽簪歸法王

登嘉州凌雲寺作

前人

寺出飛鳥外青峯戴朱樓搏壁躋半空喜得登上頭始知
宇宙濶下看三江流天晴見峨嵋如向波上浮迴曠煙景
豁陰森櫻柵稠願割區中緣求從塵外遊迴風旋虎穴飛
雨當龍湫僧房雲濛濛夏月寒颼颼迴合俯近郭寥落見
遠舟勝槩無端倪天宮可淹留一官詎足道欲去令人愁
終南雲際精舍尋法澄上人

前人

昨夜雲際宿適從西風迴不見林中僧微雨潭上來諸峯

皆晴翠秦嶺獨不開石鼓有時鳴秦王安在哉水深斷山口
乳沫相喧豕噴壁四時雨傍村終日雷北瞻長安道日
夕生塵埃若訪張仲蔚衡門映蒿萊

雙山逢信公所居

包佶

遙禮前朝塔微聞後夜鍾人間第四祖雲裏一雙峯積雪
封苔逕多年亞石松傳心不傳法誰可繼高蹤

奉陪韋潤州游鶴林寺

李嘉祐

按文苑英華共有二詩並題作奉陪韋潤州游鶴林
寺今觀李嘉祐集其一篇乃是潤州楊別駕宅送蔣
侍御收兵歸揚州詩兼已收入第二百七十一卷送
行門中英華誤抄于此姑存其目

奉陪韋潤州游鶴林寺

前人

野寺江城近雙旌五馬過禪心超忍辱梵語問多羅松竹
閑僧老雲煙晚日多集作和寒塘歸路轉清磬隔微波

同皇甫侍御題薦福寺一公房

前人

虛室獨焚香林空靜磬長閑窺數竿竹老在一繩床啜茗
翻真偈燃燈繼夕陽人歸遠相送步履出迴廊

題道虔上人竹房

前人

詩思禪心共竹閑任他流水向人間手持如意高窓裏斜
日江邊集作沿江千萬山

奉和陪韋中丞使君游鶴林寺

皇甫曾

古寺傳燈久層城閉閣閑香花同法侶旌旆入深山寒磬

虛空裏孤雲起滅間謝公憶高卧徒望集作仰欲東集作忘還

贈吳門邕上人院 前人

春山臨集作唯一室獨坐草萋萋身寂心成道花開鳥自啼

細泉松逕裏返景竹林西晚與門人別依依出虎溪

此詩二百十九卷重出今已削去

題普門上人房 前人

支公身已老長在沃洲多慧力堪傳教禪功久伏魔雲山

隨坐夏江草伴頭陀借問迴一作明心者賢愚去幾何

題昭上人房 皇甫冉

沃州傳教後百衲老空林慮盡朝昏磬禪隨坐卧心鶴飛

湖草迥門閉野雲深願一作地與天台接中峰早晚尋

招隱寺送闍判官還江州 前人

離別那逢秋氣悲東林更作上方期共知客路浮雲外暫

愛僧房墜葉時長江九派人歸少寒嶺千重鴈度遲借問

尋陽在何處每看潮落一相思

訓裴補闕吳寺見尋 前人

東林初結構已有晚鍾聲窓戶背流水房廊半架城遠山

重疊見芳草淺深生每與君携手多煩長老迎

安公房問法 張繼

流年一日復一日世事何時是了時試向東林問禪伯遣

將心地學琉璃

同中書劉舍人題青龍上房 韓翃

西掖歸來後東林靜者期遠峰春雪裏寒竹暮天時笑問
集昨金人偈閑聽寶月詩更憐茶興在一作藥興好出下方遲

題薦福寺衡岳煉師房

前人

春城乞食還高論此中閑僧臘階前樹禪心江上山踈簾
看雪捲卷深戶映花關晚送門人出鍾聲杳靄間又玄集作

題僧房

前人

披衣聞客至關鎖此時開鳴磬夕陽盡捲簾秋氣集作來
名香連竹逕清梵出花臺身在心無住他方到幾迴

題青龍寺澹然師房

前人

雙林彼上人詩興轉相親竹裏經聲晚門前山色春卷簾
苔點淨下筋藥苗新記取無生理歸來問此身

題少室山寺

褚朝陽

飛閣青霞裏先秋獨早涼天花映窻近月桂拂簷香華岳
三峰少黃河一帶長空間指歸路煙際有垂楊

酬王孝友秋夜宿露臺寺見寄 卽士元

石林精舍虎溪中夜扣禪扉憶遠公月在上方諸品靜心
持半法一作偈萬緣空蒼苔古道行應徧落木寒泉聽不窮
更憶雙峰最高頂此心期與故人同

拍林寺南望

前人

溪上遙聞精舍鐘泊舟微徑渡深松青山霽夜雲猶在盡
出西南四五峰

鄱陽大雲寺一公房

顧況

盡日陪游處斜暉竹院清定中觀有漏言下證無生色界
聊傳法空門不用情欲知相去近鍾鼓兩聞聲

題歙山棲霞寺

前人

明徵君舊宅陳後主題詩跡在人亡處山空月滿特寶鉉
無破響道樹有低枝已是傷離客仍逢新尚祠

經廢寺

前人

不知何世界有處似南朝石路無人掃松門被火燒斷幡
猶挂剎故板尚搯橋數卷殘經在多年字欲銷

獨游青龍寺

前人

春風入香剎暇日獨游行曠然蓮花臺作禮月光面乘茲
第八識出彼超二見擺落區中緣無邊廣弘願長廊朝雨

畢古木時禽轉積翠暖遙原雜集作英紛似霞鳳城騰日

窟龍首橫天堰蟻步避危階蠅飛響深殿大通智勝佛幾

劫道場現

題莊上人房

已見二百二十二卷

耿緯

廢慶寶寺

前人

黃葉前朝寺無僧寒一作殿開池晴龜出暴松暝鶴飛廻

古井碑橫草陰廊畫雜苔禪宮亦銷歇塵世轉堪哀

雨中宿義興寺

前人

遙夜宿東林蟲聲階草深高風初落葉多雨未歸心家國
身猶負星霜鬢已侵滄洲縱不去何處有知音

早春遊報恩寺南池

集作

恩寺南池

司空曙

山集作出寺臨池水春愁望遠生踏橋逢鶴起尋竹值泉橫
新柳絲猶短柔集作輕蘋葉未成還如虎溪上日暮伴僧行

送曹三原猗遊山寺

前人

山踏青蕪盡涼秋古寺深何時得蓮葉此夜更聞琴窮水
雲同穴過僧虎共林慙慙如念我遺爾挂冠心

宿青龍寺故曇上人院

前人

年深宮院在舊客自相逢閉戶臨寒竹無人有夜鍾降龍
今已去巢鶴竟何從坐見繁星曉淒涼識舊峰

秋喜盧綸同宿寺

已見二百十七卷

前人

題靈雲寺

前人

春山古寺遶滄波石磴盤空自誦道過百丈金身開翠殿萬

龕燈焰隔煙蘿雲生客到侵衣濕花落僧禪覆地多不與
方袍同結社足下歸塵世竟如何

題棟上人院

前人

閉門不出自焚香擁褐看山歲月長雨後綠苔生石井秋
來黃葉徧繩床身閑何處無真性年老曾來集作言隱故鄉
更說本師同學在幾時携手向集作見衡陽

同張深秀才遊華嚴寺

冷朝陽

同遊雲外寺渡水入禪關立掃窓前石坐着池上山有僧
飛錫到留客話松間不是緣名利好來長伴閑

宿栢巖寺

前人

幽寺在巖中行唯一逕通客吟孤嶠月蟬噪數枝風秋色

生苔砌泉聲入梵宮吾師修道處不與世間同
入南山至金師蘭若 李益

木落水歸壑寂然無始心南行有真子被褐息山陰石路
瑤草散松門寒景深吾師亦何受自起定中吟

與王楚同登青龍寺上方 前人

連岡出古寺流睇移芳讌鳥沒漢諸陵草平秦故殿
淺深樹拂木參差鶯春心斷易迷遠日傷難徧壯日各輕
年暮年方自見

同皇甫侍御題惟一上人房 李端

焚香居一室盡日見空林得道歸集作年暮安禪愛夜深
東西皆是夢存歿豈關心唯羨集作諸童子通集作經在竹陰

同裴員外宿薦福寺僧舍 前人

潘安秋興動涼夜宿僧房倚杖雲離月垂簾竹有霜暗集作
迴風生遠逕墜集作葉颯長廊一與交親會空貽別後傷

宿深上人院集作聽遠泉 前人

泉聲宜遠聽入夜對支公斷絕來方盡潺湲咽又通何年
出石下幾里在山中君集作問窮源處禪門集作與此同

題雲際寺準公房 前人

高僧居處似天台錫杖銅餅對綠苔竹巷雨晴新鳥轉山
房日午老人來園中鹿過椒枝動潭底龍游水沫開獨夜
燃香禮遺像空林月沒始應迴

宿報恩寺精舍 暢當

鍾梵送沉景星多露漸光風中蘭靡靡月下樹蒼蒼夜殿
若山橫深松如澗涼羸然虎溪子遲我一虛床杳杳空寂
舍濛濛蓮桂香擁榻依西壁紗燈靄中央

文苑英華卷第二百三十五

登仕郎胡柯 鄉貢進士彭叔夏 校正

據宋刊本三二十七字正月朔十日夜藏園記



文苑英華卷第二百三十五